

Ahmad Yaakob angkat sumpah MB Kelantan

MalaysiaKini.com

May 6, 2013

Oleh Abdul Rahim Sabri

Timbalan Menteri Besar Kelantan Datuk Ahmad Yakob mengangkat sumpah jawatan sebagai menteri besar baru negeri itu di hadapan Sultan Kelantan Sultan Muhammad V di Istana Negeri, Kubang Kerian.

ADUN Pasir Pekan itu menggantikan Datuk Nik Abdul Aziz Nik Mat yang telah memegang jawatan sebagai Menteri Besar negeri itu sejak 1990.

Sementara itu ADUN Panchor Datuk Nik Mohd Amar Nik Abdullah pula mengangkat sumpah sebagai timbalan menteri besar.

Istiadat mengangkat sumpah dan menerima wafiah pelantikan itu bermula pada 6 petang.

Turut hadir pada istiadat itu Tengku Mahkota Kelantan Tengku Dr Muhammad Faiz Petra, Mufti negeri Kelantan Datuk Shukri Mohamad dan Ketua Polis Kelantan Datuk Jalaluddin Abdul Rahman.

Desas-desus mengenai pelantikan Ahmad sebagai menteri besar baru tersebar luas dan menjadi perhatian utama masyarakat di negeri itu sejak awal hari ini, selepas PAS diumumkan berjaya menguasai Kelantan dengan kelebihan 32 Kerusi DUN.

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/229290>